

UMS catat rekod MBR

UM 10-2-2014 20

Berlari tanpa henti selama 264 jam dengan jarak larian sejauh 2,299.42 kilometer menggunakan mesin senaman larian dalam rumah atau *treadmill*

UNIVERSITI Malaysia Sabah melakar sejarah apabila berjaya mendapat pengiktirafan Malaysia Book of Records (MBR) menerusi sembilan mahasiswanya berlari tanpa henti selama 264 jam dengan jarak larian 2,299.42 kilometer menggunakan mesin senaman larian dalam rumah atau *treadmill*.

Menteri Pembangunan Masyarakat dan Hal Ehwal Pengguna Negeri Sabah, Datuk Jainab Datuk Seri Panglima Ahmad Ayid berkata, kejayaan ini melakar satu rekod baharu dalam MBR iaitu larian tanpa henti atas *treadmill* yang mencatatkan kejayaan tersebut.

“Bagi menyempurnakan larian atas *treadmill* ini, saya tertarik dengan disiplin tinggi, semangat bekerjasama berpasukan dan minda cergas yang dilakukan oleh mahasiswa yang terdiri daripada pelajar Sekolah Pendidikan dan Pembangunan Sosial UMS serta petugas yang berkampung selama 11 hari di One Borneo bagi mencatat nama dalam MBR,” katanya dalam majlis penutupan program *The Longest Distance of Run on a Treadmill by a Group* di Kota Kinabalu, Sabah baru-baru ini.

Yang turut hadir, Naib Canselor UMS, Prof. Datuk Dr. Mohd. Harun Abdullah dan wakil MBR, Nurul Huda Zakaria.

Sementara itu, Mohd. Harun berkata, untuk mencipta rekod kerjasama padu daripada semua pihak menjadi titik tolak kepada kejayaan ini.

“Terbukti kerjasama ini membuktikan



SEMBILAN pelari UMS yang berjaya mencipta rekod MBR apabila berlari tanpa henti selama 264 Jam dengan jarak larian 2,299.42 km menggunakan mesin senaman larian dalam rumah atau *treadmill* di Kota Kinabalu, Sabah, baru-baru ini.

kejayaan UMS. Secara tidak langsung, program sebegini mampu memupuk semangat bekerjasama dan persaingan

yang sihat di kalangan rakyat Malaysia, khususnya mahasiswa UMS.

“Syabas dan tahniah kepada Sekolah

Pendidikan dan Pembangunan Sosial atas kejayaan mengharumkan nama UMS menerusi catatan rekod dalam MBR.